

四庫全書

子部

欽定四庫全書

子部

證治準繩卷六十七

詳校官太醫院院使臣張肇基

編修臣倉聖脈覆勘

總校官進士臣朱鈴

校對官學正臣

翁樹棠

謄錄監生臣

羅善慶

欽定四庫全書

證治準繩卷六十七

明 王肯堂 撰

女科

胎前門

泄瀉

薛米食所傷用六君加穀蘖麵食所傷用六君加麥蘖
肉食所傷用六君加山楂若兼寒熱作嘔乃肝木侮脾

土用六君加柴胡生薑兼嘔吐腹痛手足逆冷乃寒水
侮土六君加薑桂不應用錢氏益黃散見幼科脾臟若元氣

下陷發熱作渴肢體倦怠用補中益氣湯見雜病勞倦若泄

瀉色黃乃脾土之真色用六君加木香肉荳若作嘔不
食腹痛惡寒乃脾土虛寒用六君加木香薑桂若瀉在
五更侵晨飲食少思乃脾腎虛弱五更服四神丸見泄瀉

日間服白朮散如不應或愈而復作或飲食少思急用
八味丸見雜病虛勞補命門火以生脾土為善 邊太常側

室妊娠泄瀉自用枳木黃連之類腹悶吐痰發熱惡寒飲食到口即欲作吐強匙許即吞酸不快欲用祛痰理氣余曰此因脾胃傷而痰滯中脘若治痰氣復傷脾胃矣遂以參术炮薑為末九如黍米不時含嚥三五丸漸加至三日後日進六君子湯而尋愈 進士王檄徵之內懷妊娠泄瀉惡食作嘔余曰脾氣傷也其夫憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲

投降火寒藥余曰若然則胃氣益傷也經曰損其脾胃者調其飲食適其寒溫後不藥果愈

加味理中湯 人參 白朮 白芍藥 白茯苓 乾

薑 黃連 藿香葉 木香 詞子肉 肉菓

甘草各一錢

右㕮咀用水二鍾薑三片大棗二枚煎一鍾飢時服
餘方並詳第二卷泄瀉及雜病泄瀉門

滯下

薛治痢之法當參前篇其下黃水乃脾土虧損真色下
陷也當升補中氣若黃而兼青乃肝木尅脾土宜平肝
補脾若黃而兼白乃子令母虛須補肺胃若黃而兼黑
是水反侮土矣必溫補脾胃若黃而兼赤乃心母益子
但補中益氣若腸胃虛弱風邪客之用胃風湯或胎氣
不安急補脾胃而自安矣凡安胎之藥當臨病制宜不
必拘用阿膠艾葉之類 地官胡成甫之內妊娠久痢
自用消導理氣之劑腹內重墜胎氣不安又用阿膠艾

葉之類不應余曰腹重墜下元氣虛也胎動不安內熱盛也遂用補中益氣湯而安又用六君子湯全愈 壺仙翁治湯總兵夫人妊娠病痢不止翁診其脉虛而滑兩關若濇此由胎氣不和相火炎上而有熱似痢實非也乃用黃芩白朮以安胎四物生地黃以調血數劑而安

當歸芍藥湯 治妊娠下痢腸痛

即當歸芍藥散
見前心腹痛

本治婦人胎前產後赤白痢

生薑年少者百錢老者二百錢用自然汁鴨子一枚

右將鴨子打破傾入薑汁內攪勻煎八分入蒲黃三錢再煎五七沸空心熱服立効

無妊娠下痢赤白絞刺疼痛

雞子二枚烏雞者佳破孔傾出清留黃用之黃丹一錢入雞子殼內同黃攪勻以厚紙糊牢鹽泥固濟火上煨焙乾為細末

右每服二錢米飲調下一服愈者是男二服愈者是

女

大治妊娠素弱頻併下痢腹痛羸瘦面色痿黃不進飲

食 厚朴半一兩 白术 熟地黃 川芎 白芍藥

當歸 乾薑 人參各一兩 訶子三錢 甘草一錢

右㕮咀每服四錢薑三片水煎

又方 治妊娠下痢腹痛小便澀

當歸 黃芪一兩 各一 糯米合

右細切和勻水煎分四服

羅大寧散 治妊娠下痢赤白灰色泄瀉疼痛垂死者

黑豆三十粒粟殼二兩半

生半炒

甘草二兩半

生半炒

右為粗末都作一服生薑三片同煎食前服

治妊娠挾熱下痢亦治男子常痢

黃連一兩黃蘖各半山梔仁二十枚

右咬咀每服五錢水二盞浸二時久煮十餘沸頓服

若嘔加陳皮一兩生薑三兩

黃連湯 治妊娠下痢赤白膿血不止

黃連二兩厚朴一兩阿膠炙當歸 乾薑各半

艾葉

黃芩各一兩

右為細末空心米飲調下方寸匕日三服

療妊娠白膿痢腹中冷

乾薑四兩赤石脂六兩粳米一升

炒黃

右用水七升煎取二升溫分三服

厚朴散 治妊娠下痢黃水不絕

厚朴薑炙三兩黃連三兩肉豆蔻一枚連皮用

右為粗末水煎頓服

草藥飲 治妊娠臟氣本虛脾胃少弱臟腑虛滑腹脣

疼痛日夜無度

厚朴薑製
二兩 肉豆蔻一箇
裹煨

右㕮咀每服三錢薑三片水同煎

大小便不通

大夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱則大小便俱不通更推其因而藥之 薛前證若大腸血燥用四物湯加桃仁條芩大腸氣滯用紫蘇飲加杏仁條芩腸

胃氣虛用六君子加紫蘇杏仁肝脾蘊熱用龍膽瀉肝
湯心肝虛熱用加味道遙散加車前子 亞卿李蒲汀
側室妊娠大小便不利或用降火理氣之劑元氣反虛
肝脉弦急脾脉遲滯視其面色青黃不澤余曰此鬱怒
所致也用加味歸脾湯為主佐以加味道遙散而安

主政王天成之內妊娠痢疾愈後二便不通其家世醫
自用清熱之劑未効余診其脈浮大而濇此氣血虛也
朝用八珍湯加桃仁杏仁夕用加味道遙散加車前子

而瘥

小品療妊娠子淋大小便並不利氣急已服豬苓散不瘥宜服甘遂散下之

甘遂散方 用泰山赤皮甘遂二兩為末以白蜜二合和服

如豆大一粒覺心下煩得微下者日一服下之後還服豬苓散不得下日兩服漸加至半錢以微利為度

經心錄同此藥
太峻不可輕用

豬苓散

療妊娠小便澀痛兼治胎水

豬苓

五兩去皮為

末白湯調方寸匕加至二匕日三夜二不瘥宜轉下之服前藥

葵子湯

古今錄驗

治妊娠得病六七日以上身熱入臟大

小便不利安胎除熱

葵子

滑石碎

右以水五升煮至一升去滓盡服須臾當下便愈

又方 葵子一合朴硝二兩每服三錢水煎溫服

治妊娠大小便不通心腹脹滿妨悶不欲飲食手足煩

熱 檳榔 赤茯苓 大腹皮 木通 郁李仁去皮

尖北五味子各一

兩

桑寄生

甘草

苦梗各半

兩

右為粗末每服三錢水一盞煎至六分溫服

治妊娠大小便不通熱閉心膈腹脇脹悶妨害飲食

大黃 木通

檳榔各一

枳殼

七錢

大腹子

三

訶

子

四箇去核半生半煨

右為細末以童便一盞葱白二寸同煎至六分調下

二錢

當歸散 治胎前諸疾或因怒中氣衝子臟或衝脬脉

腹急肚脹腰腹時疼不思飲食四肢浮腫氣急時喘
大便忽難小便忽澀產門忽腫

當歸一兩 赤茯苓 枳殼 白芍藥 川芎各二川

白薑 炮木香 喪粉草各半兩

右㕮咀每服三大錢水一盞半生薑三片煎至八分去
滓無時溫服 如稟受氣弱及南人枳殼減半如氣
實及北人於內加分兩服之或連日大便祕澀加蜜

同煎

初虞世治妊娠大便祕澀方

枳殼

三兩

防風

二兩

炙草

一兩

右為細末沸湯點服一二錢空心日三

又治虛羸大便祕方

枳殼

製阿膠

炒各等分

右為細末煉蜜和薌杵二三千下丸如梧子大別研

滑石末為衣溫湯下二十九半日來未通再服三十

丸止於五十九

又方

車前子

一兩

大黃

炒半兩

右為細末每服三錢空心蜜湯調下

大腹皮湯 治妊娠大小便不通

枳殼 大腹皮 赤茯苓各一
兩 甘草二錢

右為末葱白湯調下二錢

補遺局方八正散 治妊娠心經蘊熱臟腑祕結大腸
不通小便赤澀癃閉見雜病淋 右陳良甫氏所錄諸方今
並存之內甘遂朴硝非至實至危不得已而為之不
可輕用其他亦宜審訂而用之仍味薛氏之說參之
以雜病諸方法庶無誤也

小便不通

大妊娠小便不通為小腸有熱傳於胞而不通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干則為諸淋若胞系了戾小便不通名曰轉胞若胎滿尿出名曰遺尿 丹轉胞

病胎婦稟受弱者憂悶多者性急躁者食味厚者大率有之古方皆用滑利疎導藥鮮有應効因思胞為胎所壓展在一邊胞系了戾不通耳胎若舉起懸在中央胞

系得疎水道自行然胎之墜下必有其由一日吳宅寵人患此脉之兩手似濇重取則弦左手稍和予曰此得之憂患濇為血少氣多弦為有飲血少則胞弱而不能自舉氣多有飲中焦不清而隘則胞知所避而就下故喜墜遂以四物湯加參木半夏陳皮生甘草生薑空心飲隨以指探喉中吐出藥汁候少頃氣定又與一貼次日亦然如是八貼而安此法果為的確恐偶中耳後有數人歷歷有効未知果何如耶仲景云婦人本肌盛頭

舉身滿今反羸瘦頭舉中空減胞系了戾亦致胞轉其
義未詳必有能知之者 一婦人四十一歲妊娠九箇
月轉胞小便不出三日矣下急脚腫不堪存活來告急
予往視之見其形瘁脉之右濶而左稍和此飽食而氣
傷胎系弱不能自舉而下墜壓著膀胱偏在一邊氣急
為其所閉所以水竅不能出也轉胞之病大率如此予
遂製一方補血養氣血氣既正胎系自舉則不下墜方
有安之理遂作人參當歸身尾白芍藥白朮帶白陳皮

炙甘草半夏生薑煎濃湯與四貼任其叫做至次早又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青蔥葉縮砂仁二十貼與之以防產前後之虛果得就蓐平安產後亦健 一婦人妊娠七八箇月患小便不通百醫不能利轉加急脹診其脉細弱予意其血氣虛弱不然水載其胎故胎重墜下壓住膀胱下口因此溺不得出若服補藥升扶胎起則自下藥力未至愈加急滿遂令一

老婦用香油塗手自產門入托起其胎溺出如注脹急頓解一面却以人參黃芪升麻大劑煮服或少有急湍仍用手托放取溺如此三日後胎漸起小便如故薛前證亦有肺脾氣虛不能下輸膀胱者亦有氣熱鬱結膀胱津液不利者亦有金為火燦脾土濕熱甚而不利者更當詳審施治司徒李杏岡仲子室孕五月小便不利諸藥不應余曰非八味丸不能救不信別用分利之藥肚腹腫脹以致不起儒者王文遠室患此小腹

腫脹幾至於殆用八味丸一服小便滴瀝再以前丸之
料加車前子一劑即利肚腹頓安而安

仲問曰婦人病飲食如故燥熱不得卧而反倚息者何
也師曰此名轉胞不得溺也以胞系了戾故致此病但
利小便則愈宜腎氣丸主之即八味丸方見離病虛勞
每以酒下十五丸至二十丸

丸日
再服

產療小便不通及胞轉桑螵蛸搗末米飲服方寸匕日

三服

仲妊娠有水氣重身小便不利酒漸惡寒起即頭眩

子茯苓散主之 葵子 茯苓 各三

兩

右二味杵為散飲服方寸七日三服小便利則愈
妊娠小便難飲食如故歸母苦參丸主之

當歸 月母 苦參 各四

兩

右為末煉蜜丸如小豆大飲服三丸加至十九

男子
加滑

石 半
兩

大治妊娠卒不得小便杏仁一味去皮尖搗丸如菉豆

大燈心湯吞七丸立利

丹朱宅婦人三十餘歲懷胎四箇月大小便閉因與通利藥冬葵子等已通但氣未順此由性急血耗氣亂須和其氣滋其血乃安

陳皮 青皮 茯苓一錢人參 歸身尾 川芎

地黃 白朮半兩茯苓 木通 甘草二分

獨聖散 治妊娠小便不通 用蔓荆子為末每服二

錢食前濃煎葱白湯調下

淋

大妊娠小便淋者乃腎與膀胱虛熱不能制水然妊娠
胞繫於腎腎間虛熱而成斯證甚者心煩悶亂名曰子
淋也 薛前證若頸項筋攣語濇痰甚用羚羊角散身

體痛若小便濇少淋瀝用安榮散若肝經濕熱用龍膽瀉

肝湯見前陰諸疾

若肝經虛熱用加味逍遙散腿足轉筋而

小便不利急用八味丸緩則不救若服燥劑而小便頻
數或不利用生地黃茯苓牛膝黃芩知母芍歸甘草若

頻數而色黃用四物加黃芩知母五味麥冬玄參若肺氣虛而短少用補中益氣加山藥麥冬若陰挺瘻痺而頻數用地黃丸若熱結膀胱而不利用五淋散見淋若脾

肺燥不能化生宜黃芩清肺飲見淋若膀胱陰虛陽無所

生用滋腎丸見淋若膀胱陽虛陰無所化用腎氣丸一

婦人每怒發熱脇脹小便淋漓如遇經行旬餘未已受胎三月因怒前證復作朝用加味逍遙散夕用安胎飲各二劑而安五月又怒復下血如經行四日未止仍用

前藥而愈 一妊娠飲食後因惱怒寒熱嘔吐頭痛惡
寒胸腹脹痛大便不實其面青色小便頻數時或有血
服安胎止血之劑益甚余曰寒熱嘔吐而腹脹此肝木
克脾土而元氣傷也大便不實而面青此飲食傷脾兼
肝侮土也小便頻數而有血此肝熱傳胞而兼挺瘻也
用六君子加枳殼紫蘇山楂二劑脾胃頓醒又用加味
逍遙散加紫蘇枳殼二劑小便頓清後節飲食調理而

安

地膚大黃湯

外臺

療妊娠子淋宜下

川大黃

地膚草

各三兩

知母

黃芩

豬苓

芍藥

通草

川升麻

枳實

甘草

各二兩

右咬咀每服四錢水一盞煎七分去滓溫服
療妊娠患淋小便澀不利小腹水道熱痛

冬葵子

半升芍藥二兩

黃芩

赤茯苓

車前子

各三兩

右咬咀以水七升煎至二升溫分三服

療妊娠數月小便淋瀝疼痛心煩悶亂不思飲食

瞿麥穗 赤茯苓 桑白皮 木通 葵子各一兩

黃芩 茵藥 枳殼 車前子各半兩

右為粗末每服四錢水一盞煎至六分溫服

安榮散 治妊娠小便澀少遂成淋瀝

麥門冬去心通草 滑石 人參 細辛各二錢
當歸

去蘆燈草 甘草各半兩
酒浸

右為細末每服二錢不拘時麥門冬煎湯調服

大腹皮散 治妊娠大小便赤澀

大腹皮 枳殼去白炒甘草炙各一錢赤茯苓去皮三錢

右為細末每服二錢不拘時濃煎葱白湯調下

經心錄療妊娠患子淋小便數出少或熱疼痛及子煩

地膚子兩右細切水四升煮取二升半去滓分三

服日三服

補遺治胎前諸般淋澀小便不通

檳榔 赤芍藥各等分

右剉每服五錢水煎溫服甚効

豬苓散 療妊娠子淋小便澀痛

方見前大
小便不通

遺尿

薛若脬中有熱宜用加味逍遙散若脾肺氣虛宜用補中益氣湯加益智若肝腎陰虛宜用六味丸 一妊婦遺尿內熱肝脉洪數按之微弱或兩太陽作痛脇肋作脹余以為肝火血虛用加味逍遙散六味地黃丸尋愈後又寒熱又發熱或恚怒前證仍作用八珍散逍遙散兼服以清肝火養肝血而痊

白薇散 治妊娠胎滿不知小便出時

見前三
遺尿

桑螵蛸散 治妊娠小便不禁

桑螵蛸

二十枚

炙黃

右為細末每服二錢空心米飲調下

又方 益智仁為末米飲調下亦効

尿血

大妊娠勞傷經絡有熱在內熱乘於血血得熱則流溢
滲入脬故令尿血也 薛前證因怒動火者宜小柴胡

湯加山梔因勞動火者宜用補中益氣湯若因厚味積熱宜用清胃散見雜病齒加犀角連翹甘草若因肝經血熱

宜用加味道遙散若因脾氣下陷宜用補中益氣湯若因脾虛血熱宜用加味道遙散一妊婦因怒尿血內

熱作渴寒熱往來胸乳間作脹飲食少思肝脉弦弱此肝經血虛而熱也用加味道遙散六味地黃丸兼服漸愈又用八珍湯加柴胡丹皮山梔而痊

千金療妊娠卒下血及子淋方

葵子一升研以水五

升煮取二升分三溫服 又方

生艾葉

一斤研冬
用乾者亦

得

以酒五升煮取二升分三服 又方

生地黃

一斤切

以酒四升煮取二升分三溫服亦療落身後

血

續斷湯 治妊娠下血及尿血

當歸

生地黃

各一兩

續斷

赤芍藥

半兩二錢

右為細末空心蔥白煎湯調下二錢

療妊娠尿血方 阿膠

熟地黃

各等分

右為細末空心粥飲調下一錢

補遺薑蜜湯 治妊娠小便尿血

生薑七片
蜜半盞
白茅根一握

右入水濃煎服

五苓散去桂加阿膠炒 同為粗末每服四錢用車前子

白茅根濃煎溫服 又方 白茅根濃煎湯吞酒蒸

黃連丸

眼目

一婦將臨月忽然兩目失明不見燈火頭痛眩暉項腮

腫滿不能轉頸諸治不瘥反加危困偶得消風散服之病減七八獲安分娩其眼弔起人物不辨乃以四物湯加荆芥防風更服眼科天門冬飲子二方間服目漸稍明大忌酒麵煎炙雞羊鵝鴨豆腐辛辣熱物并房勞此證因懷妊多居火間衣著太煖伏熱在內或酒麵炙燄太過以致胎熱也

天門冬飲子 治妊娠肝經風熱上攻眼目帶弔失明

天門冬去心知母 芫蔚子 五味子 防風去蘆

茯苓去皮川羌活去蘆人參各一錢

右作一服水二鍾生薑三片煎至一鍾食後服

臟躁悲傷

陳良甫記管先生治一妊娠四五箇月臟躁悲傷遇晝則慘感淚下數欠象若神靈如有所憑醫與巫皆無益與仲景大棗湯一投而愈薛前證或因寒水攻心或肺有風邪者治當審察一妊娠無故自悲用大棗湯二劑而愈後復患又用前湯佐以四君子加山梔而安

一妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安

仲景婦人臟躁悲傷欲哭象如神靈所作數欠伸用甘麥

大棗湯主之

甘麥大棗湯方

甘草三兩

小麥一升

大棗十枚

右以水六升煮取三升溫分三服亦補脾氣

許學士云鄉里有一婦人數次無故悲泣不止或謂之有祟祈禳請禱備至終不應予忽憶金匱有一證云婦人

臟躁悲傷欲哭象如神靈數欠伸者宜甘麥大棗湯予急令治藥盡劑而愈古人識病制方種種絕妙如此

淡竹茹湯 治妊娠心虛驚悸臟躁悲傷不止又治虛

煩甚効 麥門冬去心 小麥 半夏

湯泡各二兩半

人參 白

茯苓

各一兩半 甘草一兩

右剉散每服四錢薑五片棗一枚淡竹茹一團如指大同煎溫服 又方 治胎臟躁自悲自哭自笑右以紅棗燒存性米飲調下

妊病可下胎斷胎

大全妊娠羸瘦或挾疾病臟腑虛損氣血枯竭既不能養胎致胎動而不堅固終不能安者則可下之免害妊娠也薛前證宜用腰腹背痛門方論主之其胎果不能安者方可議下慎之慎之鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荆子治之熱痛頓止仍用前散又五十餘劑而安其後生產甚易今

大中丞許少薇公向令金壇時夫人胎漏療治不止時
迫於上計公欲因其勢遂下之謀於余余第令服佛手
散以為可安即安不可安即下順其自然而已既數服
公憂疑不決女科醫者檢方以進乃用牛膝一兩酒煎
服謂牛膝固補下部藥耳用之何害公遂信而服之而
胎果下余時有從母之戚未及知比知而馳至則聞盈
庭皆桂麝氣蓋因胞衣未下許醫又進香桂散矣血遂
暴下如大河決不可復止亟煎獨參湯未成而卒公哀

傷甫定而過余謝且諗余曰牛膝補藥而能墮胎何也
余對曰生則宣而熟則補故破血之與填精如箭鋒相
挂豈獨牛膝哉鹿角亦墮胎破血而煎為白膠則安胎
止血因其熟而信其生此之謂粗工公歎恨無已余故
特著之以為世戒

大全治妊娠母因疾病胎不能安可下之取七月七日
法麩大金作麴四兩水二大盞煎取一盞三分綿濾去滓分
溫三服立下 又方大麩五升清酒一斗煮二沸去渣

分五服隔宿勿食但再服其子如糜母無疾苦

千金不傳妙

又方麥蘖一升為末和水煮二升服之即下

神効

又方附子一枚為末以淳苦酒和塗右足去之大良

又方取雞子一枚以三指撮鹽放雞子中服之立出

按陳良甫所列有牛膝湯桂心散諸方婁全善皆不

之取而獨取此數方其見卓矣

斷產丹斷子法 用白麵麴一升無灰酒五升打作糊

煮二升半用絹帛瀘去渣作三服候前月經將來日晚

下吃一服次日五更吃一服天明吃一服月經即行終身絕子

大斷產驗方故蠶紙方圓一尺燒為末酒飲調服終身不復還孕 又方 用油煎水銀一日方息空心服棗核大一丸永斷孕不損人四物湯每服五錢加芸薹子二錢於經行後空心溫服 薛前云用蠶故紙尺許燒灰為末產後酒服之血虛者終不復孕大抵斷產之劑多用峻厲往往有不起者是則產之害未若斷產之害

也吾聞閻老張羅峰太常李恒齋俱因服斷產之劑自謂形體俱怯遇勞必病有由然矣按夷堅志載東京女子白牡丹以售墮胎藥生得惡報今雖列如上方以備萬一之用用者尚其慎之

胎自墮

丹陽施陰化胎孕乃成血氣虛損不足營養其胎自墮或勞怒傷情內火便動亦能墮胎推原其本皆因於熱火能消物造化自然病源乃謂風冷傷於子臟而墮此

未得病情者也予見賈氏婦但有孕至二月左右必墮
診其脈左手大而無力重取則濇知其血少也以其妙
年則補中氣使血自榮時正夏初教以濃煎白朮湯下
黃芩末一錢服三四十貼遂得保全其生因而思之墮因
內熱而虛者於理為多曰熱曰虛當分輕重蓋孕至三
月正屬相火所以易墮不然何以黃芩熱艾阿膠等為
安胎妙藥耶好生之工幸無輕視一婦年三十餘或
經住或形成未具其胎必墮察其性急多怒色黑氣實

此相火太甚不能生氣化胎反食氣傷精故也因令住
經第二月用黃芩白朮當歸甘草服至三月盡止藥後
生一子 一婦經住三月後尺脉或濇或微弱其婦却
無病知是子宮真氣不全故陽不施陰不化精血雖凝
終不成形至產血塊或產血胞 一婦腹漸大如懷子
至十月求易產藥察其神色甚困難與之藥不數日生
白蟲半桶蓋由婦之元氣太虛精血雖凝不能成胎而
為穢腐蘊積之久濕化為熱濕熱生蟲理之所有亦須

周十月之氣發動而產終非佳兆其婦不及月死濕熱生蟲嬖之溝渠汚濁積久不流則諸蟲生於其間矣

汪石山治一婦長瘦色黃白性躁急年三十餘常患墮胎已七八見矣診其脉皆柔軟無力兩尺雖浮而弱不任尋按曰此因胎墮太多氣血耗甚胎無滋養故頻墮嬖之水涸而禾枯土削而木倒也況三月五月正屬少陽火動之時加以性躁而急發之故墮多在三五七月也宜大補陰湯去桂加黃芩黃芩煎服仍用研末蜜丸

服之庶可保生服半年胎固而生二子 錢仲陽治一
孕婦病醫言胎且墮錢曰姪者五臟傳養率六旬乃更
候其月偏補之何必墮已而母子皆全 陳斗嵩治一
婦有胎四月墮下逾旬腹腫發熱氣喘脉洪盛面赤口
鼻舌青黑陳診之曰脉洪盛者胎未墮也面赤心火盛
而血乾也舌青口鼻黑肝既絕而胎死矣內外皆曰胎
墮久矣復診色脈如前以蛇蛻煎湯下平胃散加芒硝
歸尾一倍服之須臾腹鳴如雷腰腹陣痛復一死胎墮

下病亦愈 程仁甫治一婦年近四十稟氣素弱自去其胎五日內漸漸腹脹如鼓至心前上吐不能食用補藥不効診六脉微弱但只叫脹死此乃損傷脾氣而作脹然急則治其標若泥丹溪法恐緩不及事矣用桃仁承氣加枳實厚朴倍硝黃煎服四分吐去其一次早仍不通事急又服琥珀丸三錢至申時大通脹減但體倦四肢無力口不知味發熱再用參芪歸芍查木陳皮八劑而安 江應宿治汪鑄妻三十五歲厭產誤服打胎

藥下血如崩旬餘腹痛一陣即行或時鼻衄諸藥不効
診得六脉數而微弦乃厥陽之火泛逆投四物換生地
黃加阿膠炒黑山梔蒲黃一劑而愈

薛氏云大抵治法須審某月屬某經育養而藥之

濟生芍窮補中湯 治懷孕血氣虛弱不能衛養以致

數月而墮名曰半產

每見婦人孕不能滿十月而損墮得服此遂安全

芍窮 五味子 阿膠

蛤粉

乾薑

炮各一錢

黃芪

去蘆蜜炙

當歸

酒浸

白芍藥

白朮

各一錢半

杜仲

去粗皮

炒去絲

人參

木香不見大

甘草各五分炙

右作一服水二鍾煎至一鍾不拘時服

阿膠湯 治妊娠數墮胎小腹疼痛不可忍

阿膠炙熟

乾地黃焙

艾葉微炒

芳薷焙

當歸切

杜仲去粗皮炙

白朮各兩

右㕮咀每服四錢水一盞半棗三枚擘破同煎至八分去滓食前溫服

杜仲丸 治妊娠三兩箇月胎動不安防其欲墮宜預

服之

杜仲

薑製去絲

炒續斷

酒浸各二兩

右為細末煮棗肉杵為丸梧子大每服七十丸米飲

送下

四製艾附丸 治婦人數墮胎由氣不升降所以胎氣

不固尤宜服此

香附

杵去毛淨一斤分四分一分鹽水浸七日取出焙乾

右為細末醋煮糊和丸梧子大每服七十九空心溫酒下肥人只依本方瘦人加澤蘭葉赤茯苓各二兩

一方 用香附子

一斤 艾葉四兩 當歸二兩俱
用醋煮

刪繁方

治妊娠懷胎數落而不結實或冷或熱百病

之源

經心
錄同

甘草

黃芪

人參

川芎

白朮

地黃

吳茱萸

各等 分

一方有當歸乾薑

右為末空心溫酒調二錢

忌菘菜桃李雀肉醋物

要按丹溪論俱是虛熱而無寒者

今姑存此一方以俟施之于千百而一者也

醋附丸 治數墮胎

方見
血崩

千金療妊娠二箇月胎欲墮方 炙膝下一寸七壯 妊

子不成時時墮胎後漏下五色疼痛灸胞門

關門左邊二寸名胞

門右邊二寸名子戶 胎墮後為半產夫妊娠日月未足胎氣未全

而產者謂之半產蓋由妊婦衝任氣虛不能滋養於胎
胎氣不固或攢撲閃墜致氣血損動或因熱病溫瘡之
類皆名半產仲景謂虛寒相搏此名為革婦人則半產
漏下是也 又云半產俗呼小產或三四月或五六月

皆為半產以男女成形故也或因憂恐悲哀暴怒或因勞力打撲損動或觸冒暑熱忌黑神散恐犯熱藥轉生他疾宜玉燭散和經湯之類便產須知云小產不可輕視將養十倍於正產可也又云半產即肌肉腐爛補其虛損生其肌肉益其氣血去其風邪養其臟氣將養過於正產十倍無不平復宜審之半產重於大產蓋大產如粟熟自脫小產如生採破其皮殼斷其根蒂也但人輕忽致死者多治法宜補形氣生新血去瘀血若未足月痛而欲產芎歸補中湯倍加知母止之

若產而血不止人參黃芪湯補之若產而心腹痛當歸川芎
湯主之胎氣弱而小產者八珍湯固之若出血過多而發熱聖
愈湯汗不止急用獨參湯發熱煩躁肉瞞筋惕八珍湯
大渴面赤脉洪而虛當歸補血湯身熱面赤脉沉而微
四君薑附東垣云晝發熱而夜安靜是陽氣自旺於陽
分也晝安靜而夜發熱是陽氣下陷於陰中也如晝夜
俱發熱者是重陽無陰也當峻補其陰王太僕云如大
寒而甚熱之不熱是無火也熱來復去晝見夜伏夜發

晝止時節而動是無火也如大熱而甚寒之不寒是無水也熱動復止倏忽往來時動時止是無水也若陽氣自旺者補中益氣湯陽氣陷於陰者四物二連湯重陽無陰者四物湯無火者八味丸無水者六味丸 一妊娠五月服剪紅丸墮胎腹中脹痛服破血藥益甚手按婦五月服剪紅丸墮胎腹中脹痛服破血藥益甚手按之愈痛余曰此峻藥重傷脾胃受患用八珍倍參芪半夏乳沒二劑痛止數劑全愈 史仲子室年甫二十疫胎墮時咳服清肺解表喘急不寐請視余曰脾土虛不

能生肺金藥重損之與補中益氣加茯苓半夏五味炮
薑四劑漸愈再往視又與八珍加五味及十全大補湯
而全愈 陳氏婦張素怯弱生女自乳因病疥年餘遂
致羸困復因執喪禮勞頓數欲眩仆一日感氣忽患心
脾高腫作疼手不可按嘔吐不止六脉微細之極陳翁
自以脉雖虛而病形則實誤臆諸痛不可補氣乃用青
皮香附吳萸等藥而愈繼復患瘧且墮胎又自投理氣
行血之藥病去元氣轉脫再投參芪補劑不應矣六脉

如絲欲絕思非附子不能起因亟請薛診之云此由理氣損真之誤也連投參芪歸朮附子薑桂六劑間用八味丸五日眠食漸甘六脉全復薛諭之云向使心脾疼痛時即服此藥瘧亦不作矣一妊娠墮胎昏憒不省自汗發搐時吐痰自用養血化痰之劑昏憒不省痰涎湧出彼以為中風欲用祛風化痰予曰此屬脾氣虛寒所致遂用十全大補加炮薑二十餘劑尋愈

生地黃湯 治妊娠胎氣損動氣血不調或擗撲閃墜

以致胎墮墮後惡滯不盡腹中疔痛

生乾地黃

焙一兩

大黃

暴瘲

芍藥

白茯苓

去黑皮

當歸

切炒

細辛

去苗

甘草

炙

黃芩

去黑皮

桂

去粗皮各半兩

右咬咀每服五錢水一盞半入生薑大棗拍碎同煎至一盞去滓不拘時溫服

人參湯 治半產後血下過多心驚體顛頭目運轉或寒或熱臍腹虛脹疼痛

人參

麥門冬去心

生乾地黃

焙

當歸

洗

芍藥

黃芪 白茯苓皮去甘草炙各一兩

右㕮咀每服三錢水一盞煎至七分去滓食前溫服
大墮胎後復損經脈而下血不止甚則煩悶至死皆以
調補胃氣為主 薛前證若肝經血熱用四物參木山
梔肝經風熱用防風黃芩丸肝經怒火用加味逍遙散
脾經氣虛用四君歸地脾經鬱滯用加味歸脾湯氣滯
不和用紫蘇飲胃氣下陷用補中益氣湯
人參黃芪湯治小產氣虛血下不止

人參 黃芪 炒當歸 白芍藥 炒白朮 炒艾葉各一

錢 阿膠炒二錢

作一劑水煎服

治妊娠損動下血不止腹痛宜服此

阿膠炒一兩 艾葉半兩

右用水一大盞煎六分去滓空心服

療妊娠損動下血不止方

甘草一兩 炙一兩 阿膠二兩 雞子一箇

右以水二大盞煮甘草一盞三分去滓下雞子膠候

膠烊攬勻分三服

龍骨散 療因損娠下惡血不止

龍骨 當歸 地黃各二兩 艾葉一兩炒 地榆 阿膠

芍藥 乾薑各一兩半 蒲黃一錢半 牛角腮炙焦二兩半

右共為細末食前用米飲調下二錢

千金療落胎下血不止方

右以生大黃汁一小盞調代赭石末一錢日三服

治妊娠下血不止疼痛方亦治小便不禁

家雞翎燒灰細研以溫酒調下二錢如人行五里再服以效為度

千金療妊娠胎墮下血不止方

以丹參二兩細切酒五升煮取三升分三服

補遺催生如神散妙 又方 香附子為末米飲調下
當歸酒 治妊娠墮胎後血不出

當歸炙令香二兩芍藥炒各二兩

㕮咀每服三錢七無灰酒一盞入生地黃汁一合銀器

內慢火煎至七分去滓溫服以惡血下為度

烏金散 治妊娠墮胎後惡血不下兼治諸疾血病

好墨

二兩折二寸挺子燒通赤用好醋一升
醃七遍又再燒通赤放冷別研為末

沒藥

研麒麟竭各二錢半麝香一錢

右為細末每服溫酒調下一錢七如血迷心用童便加
酒調下二錢七

治妊娠墮胎後血不出少腹滿脹

用羚羊角燒灰細研加麵每服三錢不拘時以豆

淋酒調下

治妊娠墮胎下血不盡苦煩滿欲極時發寒熱狂悶

鹿角屑一兩
熬

用水一大盞煎取一合取汁六分
三服調鹿角屑二錢服日三須臾血下

紅藍花散 治墮胎後血不出奔心悶絕不識人

紅藍微熬
過

男子髮燒存性

京墨燒存性

血竭研蒲黃隔紙

研蒲黃隔紙

炒各等分

右為細末以童便小半盞調二錢服之立效

白蜜湯 治墮胎後惡血不出

白蜜二兩 生地黃取汁一盞 酒半盞

右汁與酒共入銅器中煎五七沸入蜜攪勻分兩服
服三劑百病可愈

豬膏飲 治墮胎血不出上搶心疼痛煩憤

豬膏七合 白蜜三兩 生地黃切二

右先將豬膏地黃汁相和煎令赤色去地黃內蜜攪勻
分溫二服相次再服

當歸湯 治妊娠墮胎胞衣不出

當歸切牛膝酒浸切焙各一兩半木通剉滑石研各二兩冬葵子

炒二瞿麥穗一兩

右㕮咀每服三錢水一盞半煎至七分去滓溫服未下再服以下為度

地黃湯

蒲黃炒生薑

切炒各二錢半

生地黃

半兩以銅竹刀切炒

右以無灰酒三盞於銀器內同煎至二盞去滓分三

服未下再作服

澤蘭湯

澤蘭葉切滑石末

各半兩

生麻油少許

右以水三盞先煎澤蘭至一盞半去滓入滑石末并油更煎三沸頓服之未下更服

蒲黃酒

作丸名
槐半九

蒲黃炒

一槐子

十四枚
為末

右以酒三盞煎至二盞去滓分溫二服未下更作服又治妊娠不足月欲產腹痛為末蜜丸酒下

治墮胎胞衣不出腹中疔痛牽引腰脊

下並聖
惠方

用蟻

窟土三升炒熱帛裹搣心下胞自出也

又方 好墨細研末溫酒調下二錢頻服効

治妊娠胎死腹中衣不出及產後卒有別病欲至狼狽
方 刺熱羊血飲一小盞極効

又方 以水噀其面神驗加醋少許

又方 洗兒水半盞令母服其衣即出勿令產婦知

又方 治胞衣不下腹滿則殺人 用水一盞煮豬脂
一兩煮十數沸和脂服之當下

又方出如宜方以雞子一枚取清吞之 又方

出如宜方用鐵斧燒

令通赤投酒中沸定則出飲之

當歸川芎湯 治小產後瘀血心腹痛或發熱惡寒

當歸

川芎

熟地黃

自製白芍藥炒玄胡索炒

紅花

香附

青皮炒澤蘭

牡丹皮

桃仁

右各等分水煎入童便酒各小半盞服 若以手按腹愈痛此瘀血為患宜此藥或失笑散消之若按之不痛此是血虛宜四物參苓白朮若痛而作嘔此是胃虛宜六君子若痛而作瀉此是脾虛宜六君子送

二神丸

芳窮湯 治墮胎心腹疼痛

芳窮 芍藥 白朮 阿膠炒燥 甘草炙各一兩

右㕮咀每服三錢水一盞入艾葉糯米生薑同煎至六分食前服 一方無白朮有人參

當歸散 治產後氣血虛弱惡露內停增寒發熱

當歸 白芍藥炒 川芎 黃芩炒各一兩 白朮五錢

右為細末溫童便調下二錢

聖愈湯 治血虛心煩睡卧不寧或五心煩熱

熟地黃

酒拌蒸半日

生地黃

酒拌川芎半分

人參

各七錢五分

當歸

酒拌黃芪炒各五錢

用水煎服

當歸補血湯

治肌熱躁熱目赤面紅煩渴引飲晝夜

不息脉洪大而虛重按全無此脉虛血虛也若誤服

白虎湯必死

當歸

三錢黃芪一兩

用水煎服

四物二連湯 治血虛發熱或口舌生瘡或晝安夜熱

當歸

川芎

熟地黃

芍藥

胡黃連

宣黃連各一
錢右作一劑水煎服

東垣云婦人分娩及半產漏下昏冒不省瞑目無所知覺蓋因血暴亡有形血去則心神無所養心與包絡者君火相火也得血則安亡血則危火上熾故令人昏冒火勝其肺瞑目不省人事是陰血暴去不能鎮撫也血已虧損往往用滑石甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心肺之熱也此

無形之熱用寒涼之藥驅令下行豈不知上焦之病悉屬於表乃陰證也汗之則愈今反下之幸而不死暴虧氣血必夭天年又不知內經有說病氣不足宜補不宜瀉但瞑目之病悉屬於陰宜汗不宜下又不知傷寒鬱冒得汗則愈是禁用寒涼藥也分娩半產本氣不病是暴去其血亡血補血又何疑焉補其血則神昌常時血下降亡今當補而升舉之心得血而養神不昏矣血若暴下是秋冬之令太旺今舉而升之助其陽則目張神

不昏矣今立一方補血養血生血益陽以補手足厥陰之不足也

全生活血湯 紅花

三分

蔓荆子

各五分

細辛

各五分

生地黃

夏月

加熟地黃各一錢

各一錢

藁本

川芎

各半錢

防風

諸陽既陷

何以加之

血下脫故也

羌活

獨活

甘草

炙半錢

柴胡

去苗

當歸身

洗酒

葛根

各二錢

白芍

升麻

各三分

服

右咬咀每服五錢水二盞煎至一盞去滓食前稍熱

胎不長

大夫妊娠不長者因有宿疾或因失調以致臟腑衰損氣血虛弱而胎不長也當治其疾疚益其氣血則胎自長也 薛前證更當察其經絡審其所因而治之一

妊婦胎六月體倦懶食面黃晡熱而胎不長因勞欲墜此脾氣不足也用八珍湯倍加參术茯苓三十餘劑脾胃漸健胎安而長矣 一妊婦因怒寒熱往來內熱晡熱脇痛嘔吐胎至八月而不長此因肝脾鬱怒所致用

六君加柴胡山梔枳殼紫蘇桔梗病愈而胎亦長矣
安胎白术散 治妊娠宿有冷胎痿不長或失於調理
傷胎多墮此藥補榮衛養胎氣

白术

川芎各一兩

吳茱萸

湯泡半兩

甘草

炙一兩半

右為細末每服二錢食前溫酒調下忌生冷果實

白术散

見前胎動不安

黃芪散 主妊娠胎不長安胎和氣思食利四肢

黃芪 白术 陳皮 麥門冬 白茯苓 前胡

人參各七

錢半

川芎

甘草各半

兩

右㕮咀每服三錢水一盞薑三片棗一枚煎至七分

去滓溫服

人參丸 主妊娠胎不長宜服養胎

人參

白茯苓

當歸

柴胡

刺薊

厚朴

桑寄生

各兩

枳殼

七錢半

甘草

半兩

右為細末煉蜜為丸如梧子大每服二十九食前溫

酒吞下

集驗治婦人懷胎不長方 鯉魚長一尺者去腸肚鱗以水漬沒
內鹽及棗煮熟取汁稍稍飲之當胎所腹上當汗出
如牛鼻狀雖有所見胎雖不安者十餘日輒一作此
令胎長大甚平安

附枳實檳榔丸 安胎養氣調和經候癥瘕癖塊有似
孕婦可以久服血氣通和

枳實生用檳榔 黃連 黃蘖 黃芩 當歸

木香 阿膠灰炒研各半兩

右為細末水和丸如小豆大每服三十丸不拘時用溫酒米飲送下

日月未足欲產過期不產

大全婦人懷胎有七月八月而產者有至九月十月而產者有經一年二年乃至四年而後產者各依後法治婁先期欲產者涼血安胎 過期不產者補血行滯

薛一妊婦八箇月胎欲墜似產卧久少安日晡益甚此氣血虛弱朝用補中益氣湯加茯苓半夏隨愈更以八

珍湯調理而安

集驗知母丸

治日月未足而痛如欲產者兼理產難及

子煩

知母不拘多少為細末煉蜜丸如雞頭實大溫酒

嚼下日三服

一方丸如梧子大粥飲下二十九

槐子丸

治妊娠月數未足而似欲產腹痛者

槐子

蒲黃各等分

右為細末蜜丸如梧子大溫酒下二十九以痛止為

度 又方 取蒲黃如棗核大篩過以井花水調服

又方 用梁上塵竈突煤同為末空心溫酒服方寸匕
千治日月未足欲產 捣菖蒲根汁一二升灌喉中
羅治過期不產方 四物湯加香附桃仁枳殼縮砂紫
蘇水煎服即生

鬼胎

大全夫人臟腑調和則血氣充實風邪鬼魅不能干之
若榮衛虛損則精神衰弱妖魅鬼精得入於臟狀如懷
娠故曰鬼胎也 薛前證因七情脾肺虧損氣血虛弱

行失常道衝任乖違而致之者乃元氣不足病氣有餘
也若見經侯不調就行調補庶免此證治法以補元氣
為主而佐以雄黃丸之類行散之若脾經鬱結氣逆者
用加味歸脾湯調補之若脾虛血不足者用六君芳歸
培養之肝火血耗者用加味道遙散滋抑之肝脾鬱怒
者加味歸脾逍遙二藥兼服腎肝虛弱者用六味地黃
丸 一婦人經閉八月肚腹漸大面色或青或黃用胎
證之藥不應余診視之曰面青脉濶寒熱往來肝經血

病也面黃腹大食少體倦脾經血病也此鬱怒傷脾肝之證非胎也不信仍用治胎散之類不驗余用加味歸脾逍遙二藥各二十餘劑諸證稍愈彼欲速効別服通經丸一服下血昏憤自汗惡寒手足俱冷嘔吐不食余用人參炮薑二劑漸愈又用十全大補五十餘劑而安

雄黃丸 治妊娠是鬼胎致腹中黑血散下腹痛

雄黃

細研

鬼臼

去

莽草

丹砂

細研

巴豆

去皮

獺肝

炙令

黃各
半兩

蜥蜴
一條

黃
灸

蜈蚣
一條

黃
灸

右為細末蜜丸如梧子大空心溫酒下二丸日兩服
後當利如不利加至三丸初下清水次下蟲如馬尾
狀無數病極者下蛇蟲或如蝦蟆卵雞子或如白膏
或如豆汁其病即除

治婦人鬼胎及血氣不可忍方 蟹螯

去頭足
翅炒 延胡索

炒各
三兩

右為細末再研如麵溫酒調服半錢胎下為度

治婦人虛羸有鬼胎癥塊經候不通以芫花根

三兩
剉炒

令黃色為細末桃仁煎湯調下一錢當下惡物

補遺治婦人鬼胎如抱一甕

吳茱萸 川芎 秦艽 柴胡 僵蠶 巴戟

巴豆油不去 芫花醋煮

二兩

右為末煉蜜丸梧子大每服七丸蜜酒下即出惡物
而愈

右方俱犯毒藥不可輕用姑以古方存之耳

臨產坐草法

脉訣欲產之婦脉離經沉細而滑也同名夜半覺痛應

分誕來日日午定知生

脉經曰離經其脉浮腹痛引腰脊為欲生也但離經者不產也

又云其脉離經夜半覺日中則生也經者常也謂離其常處為離經假如孕婦昨日見左沉實為男之脉今日或脉浮是離其尋常之脉而異於昨日又且腹痛知是將誕也通真子引難經一呼三至曰離經以解沈細而滑皆非也難經又引難經一呼一至曰離經解沈細而滑皆非也難經言損至二至雖同名離經其脉與理則不同且脉經明言離經其脉浮也不曾援引難經之文合脉訣因其言脉浮又添沉細而滑同名離經蓋以前所診男女脉或云浮大為女若只脉浮為離經若平常見浮大為女之脉安辨離經故又增沉細而滑以見離為浮大之常經為常滑也聖惠方云夜半子時覺腹痛來日午時必定生產謂子午相衝正半日時數也通真子曰夜半痛

日午生此言恐未為的又曰腹痛而腰不痛未產也若腹痛連腰痛甚者即產所以然者腎繫於腰胞繫於腎故也診其尺脈轉急如切繩轉珠者即產也生產有難易痛來有緊慢安可定以半日當以活法身重

體熱寒又頻舌下之脉黑復青反舌上冷子當死腹中

須遣母歸寢面赤舌青細尋看母活子死定應難唇口

俱青沫又出母子俱死總教拚面青舌赤沫出頻母死

子活定知真不信若能看應驗尋之賢哲不虛陳脉指

南作

面青舌赤蓋面以候母舌以候子今云子活合以舌赤爲是若云舌青則與前面赤舌青母活子死之候相反若胎先下其子得活如未下子母俱亡自身重體熱寒又頻至此並不用脉只以外候參訣子母生死蓋以

臨產脉不可定但當以察色而知之

楊子建十產論

一曰正產者婦人懷胎十月滿足忽腰腹作陣陣疼痛相次胎氣頓陷至於腰腹痛極乃至腰間重痛穀道挺迸繼之漿破血出兒子遂生名曰正產 二曰傷產者蓋一人之生陰注陽定各有時日不可改移今有未產一月已前忽然臍腹疼痛有如欲產仍却無事是名試月非正產也但一切產母未有正產之候即不可令人抱腰

產母亦不可妄亂用力蓋欲產之婦臍腹疼痛兒身未順收生之婦却教產母虛亂用力兒身纔方轉動却被產母用力一逼使兒錯路忽橫忽倒不能正生皆緣產母用力未當之所致也凡產母用力須待兒子順身臨逼門戶方始用力一送令兒下生此方是產母之用力當也若未有正產之候而用力傷早并妄服藥餌令兒下生譬如揠苗而助長無益而有害矣此名傷產

婁右傷產一法最為切要慎勿輕忽也凡十月未足

臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高未陷下者非正產之候穀道未挺逆者非正產之候水漿未破血未出者非正產之候漿血雖出而腹不痛者非正產之候凡未有正產候且令扶行熟忍如行不得或凭物坐之或安卧之或服安胎藥一二服得安即止慎勿妄服催生藥餌愴惶致令產母憂恐而挫其志務要產母寬心存養調停亦令坐婆先說解

論之如覺心中煩悶可取白蜜一匙新汲水調下切勿妄亂用力先因其母直待子逼門戶腰重痛極眼中如火穀道挺逆時是正產候方可用力并服催生藥也予男婦於未產一月已前腰腹俱痛全似將產其痛至甚但遇已牌稍止如此者將十餘日計無所出因閱此條遂與安胎藥加參术數服間與肉味養之由是平復不痛又二十餘日始生一男是時若妄動亂用力并服催生等藥立見危亡矣

三曰催產者言婦人欲產漿破血下臍腹作陣疼痛極甚腰重穀道挺逆已見是正產之候但兒却未生即可服藥以催之或有經及數日產母困苦已分明見得是正產之候但兒子難生亦可服藥以助產母之正氣令兒速得下生此名催產 四曰凍產者冬月天冷產母經血得冷則凝以致兒子不能生下此害最深若冬月產者下部不可脫去綿衣并不可坐卧寒處當滿房著火當有暖氣令產母背身向火令臍下腿膝間常緩血

得熱則流散使兒易生此名凍產

薛荆婦孟冬分娩艱難勞傷元氣產子已死用油紙
撚燒斷臍帶藉其氣以煖之俄頃忽作聲此兒後無
傷食作瀉之證可見前法之功不誣

五曰熱產者盛夏之月產婦要溫涼得所不可恣意取
涼傷損胎氣亦不可人多熱氣逼襲產母使產母血沸
而有發熱頭痛面赤昏昏如醉乃至不知人事此名熱
產若夏月風涼陰雨亦不可任意取涼恐生大病六曰橫產者兒先露手或

先露臂此由產母未當用力而用之過也兒身未順用力一逼遂至身橫不能生下當令產母安然仰卧後令看生之人先推其手令直入上漸漸逼身以中指摩其肩推上而正之或以指攀其耳而正之須是產母仰卧然後推兒直上徐徐正之候其身正煎催生藥一盞吃了方可用力令兒下生此名橫產 七曰倒產者產母胎氣不足關鍵不牢用力太早致兒子不能廻轉即便直下先露其足當令產母仰卧令看生之人推其足入

去不可令產母用分毫力亦不得驚恐使兒自順去
蛇蛻散 治妊娠欲產時不肯伸舒行動多曲腰眠卧
忍痛兒在腹中不能得轉故脚先出謂之逆生須臾
不救母子俱亡 用烏蛇蛻一條蟬蛻十四枚血餘一握
髮並燒灰存性研分二服溫酒調連進之仰卧少頃或
用小絹針於兒脚心刺三五刺用鹽少許塗刺處即
時順生母子俱活 又法以鹽塗兒足底又可爪甲
搔之并以鹽摩母腹上 又以手中指取鍋底墨交

畫兒足下即順生 又方取其父名書兒足下即順生 若孕婦橫生不可出者以車前子為末酒服二錢匕又方免絲子為末酒調服一錢匕米飲調下亦得
又以百草霜香白芷不見火各等分用童便與好醋各一合
調成膏沸湯浸服甚者二服即生若婦人橫逆難產
子死腹中先用黑豆一大合炒熟水與童便合煎服
神効 又方用艾葉半斤酒四升煮取一升服之
又以當歸為末酒服方寸匕紫蘇湯調服亦可

八日偏產者兒身未正產母用力一逼致令兒頭偏柱左腿或偏柱右腿故頭雖露偏柱一畔不能生下當令產母仰卧次令看生之人輕輕推兒近上以手正其頭令兒頭頂端正然後令產母用力一送即便生下若是小兒頭後骨偏柱穀道只露其額當令看生之人以綿衣炙溫裏手於穀道外方輕輕推兒頭令正便令產母用力送兒生也此名偏產 九日礙產者兒身已順而露正頂不能生下蓋因兒身回轉肚帶攀其肩以此露

正頂不能生下當令產母仰卧令看生之人輕推兒近上徐徐引手以中指按兒肩下撥其肚帶仍須候兒身正順方令產母用力一送使兒生下此名礙產

右橫產倒產偏產礙產四法若看生之人非精良妙手不可依用此法恐恣其愚以傷人命也按倒產者今世往往隨其倒足生下並無後患子母雙全不必依推足上之法亦可又礙產者往往肚帶有纏在兒頂上而兒頭自出在產門外看生之人以手撥其肚

帶從兒頭頂過而下之者又有肚帶纏在頂上一匝
而兒與胞衣自然同下者皆無妨不必以此礙產之法
入產門撥下也

十曰坐產者兒將欲生其母疲倦久坐椅褥抵其生路
急於高處懸一手巾令產母以手攀之輕輕屈足坐身
令兒生下非坐在物上也此名坐產 十一曰盤腸產
者臨產母腸先出然後兒生趙都蓮恭人每產則大腸
先出然後產子產後其腸不收甚以為苦醫不能療偶

在建昌得坐婆一法而收之其法以醋半盞新汲水七分調停噀產母面每噀一縮三噀收盡此良法也

按前證古方以草麻子四十九粒研塗產母頭頂腸收上急洗去其腸若乾以磨刀水少許濕潤之內用磁石煎湯飲之即收上磁石須陰陽家用有驗者若以水噀母面恐驚則氣散

丹產後腸不收香油五斤煎熱盛盆中候溫坐油盆中約一食時以皂角末吹入鼻中嚏作立上妙見斗門

大半夏為末搗鼻中則腸上矣 又方以大紙撲蘸香油點燈吹滅以烟薰產母鼻中腸即上矣

又方 腸出盛以潔淨漆器濃煎黃芪湯浸之腸即上
薛欲產之時覺腹內轉動即當正身仰卧待兒轉身向下時作痛試捏產母手中指中節或本節跳動方與臨盆即產矣若初覺不仰卧以待轉胞或未產而水頻下此胞衣已破血水先乾必有逆生難產之患若胎衣破而不得分娩者保生無憂散以固其血自然生息如血

已耗損用八珍湯料一斤益母草半斤水數椀煎熟不時飲之亦有得生者凡孕婦只腹痛未產也若連腰痛甚者將產也蓋腎候於腰胞繫於腎故也凡孕家宜預請有仁心知事穩婆常以恩結其心先與說知倘有生息不順只說未產或遇雙胎只說胎衣未下恐驚則氣散愈難生息余家親驗之大抵難產多患於鬱悶安樂富貴之家治法雖云胎前清氣產後補血不可專執若脾胃不實氣血不充宜預調補不然臨產必有患難

如因難產或大寒時急以大油紙撫徐徐燒斷其臍帶
雖兒已死令煖氣入腹多得復生切勿用刀斷之

催生法

大凡生產自有時候未見時候切不可強服催生滑
胎等藥或勢不得已則服之又云切不可坐早及令坐
婆亂動手凡催生藥必候腰痛甚胎陷下漿血破方可
服 大法滑以流通澀滯 苦以驅逐閼塞 香以開
竅逐血 氣滯者行氣 胞漿先破疲困者固血

丹溪云催生只用佛手散最穩當又効捷

方見胎產大法

滑劑催生如聖散 黃蜀葵子

小半合一
方二錢重

研爛以酒搗

去滓溫服神妙或漏血胎乾難產痛極者并進三服

良久腹中氣寬胎滑即產須見正產候方可服之歌

曰黃葵子炒七十粒細研酒調濟君急若遇臨危產

難時免得全家俱哭泣 又方 以香油白蜜小便

和勻各半盞調益母草末服 一方止用油蜜小便

能下難產 又方治橫倒生者 明阿膠炒滑石末

各一
兩
葵子

二
兩

右水一盞半煎至一盞去滓分二服

治難產五六日不得分娩者疲困虛乏光明水膠二兩
微火焙好酒一升半煎滾入膠候烊再入新雞子一枚
鹽一錢七攪勻放溫令產母坐椅上伸腰大口作二次
次服覺小便重即生緣坐草早驚動故也

苦薑催生杵末飲子 治產難或橫或倒死胎爛脹腹
中此方屢用神効

大柞木枝

一大握長一尺洗淨寸剉生用

甘草

大者五寸剉作五段

右用新汲水三升半同入新磁瓶內以紙三重封緊文武火煎至一升半令香候產婦腰重痛欲坐草時溫飲一小盞

腰未重痛勿服

便覺心下開豁如覺渴再飲一盞至三四盞覺下重便生此方最驗

梅治難產礙胎在腹中如已見兒胎衣不出或胎死者蒺藜子貝母各四兩為末米飲下一匙如人行四里許不下再服

按苦能下氣柞木蒺藜貝母則又不專於苦要之亦有利竅行血之功茲特因婁氏所編而列之耳

香劑乳殊丹

右用通明乳香研細以豬心血為丸梧子大朱砂為衣日乾每服一粒催生冷酒化下良久未下再服一粒若大段難產以蓮葉心蒂七箇水二盞煎至一盞放溫化下一粒良久未下再服其驗如神如胎下胞衣不下者服此便下若胎橫逆不順即先服神應

黑散再服此藥催之合藥時要五月五日午時極妙
或七月七日三月三日及初上辰日亦可 又方

通明乳香

如皂角子大

為末腰痛時用新汲水一小盞入

醋少許同煎令產母兩手捉兩石燕坐婆調藥飲水須
臾坐草便生無痛楚神良

開骨膏

五月五日
午時作

乳香研細滴水丸如芡實大每服一粒無灰酒吞下
又方 乳香 朱砂等分 炉為細末麝香酒調下

催生丹 治產婦生理不順產育艱難或橫或逆

十二月兔腦髓

去皮膜研如泥

母丁香

一錢細末乳香

二錢半另研

麝香

另研一字

右三味拌勻以免腦髓和丸雞頭實大陰乾油紙裹
每服一丸溫湯下即產兒握藥出
如意散 臨產腰痛方可服之

人參

為乳香各一錢

朱砂

二錢

右同研臨產急用雞子清一箇調藥末再用生薑自

然汗調開冷服如橫倒等即時端順子母無恙

勝金散

郭稽中云產難者因兒轉身將兒枕血塊破

碎與胞中敗血壅滯兒身不能便利是以難產急服

勝金散消散其血使兒自易生陳無擇云多因兒未

轉順坐草太早或努力太過以致胞衣破而血水乾

產路濶而兒難下宜先服催生如神散以固其血設

或逆生橫產當用前法針刺之

麝香一錢

研鹽豉一兩以青布裹

燒紅急研細

右取秤錘燒赤淬酒中以酒調服一錢

行氣催生湯 治妊娠欲產痛陣尚疎難產經三兩日
不生胎死腹中或產母氣乏委頓產道乾澀纔覺痛
密破水後便可服

蒼术

二兩米泔浸洗剉炒黃

小厚枳殼

去穰炒

白桔梗

薄陳

皮

去楊芍藥

川白芷 大川芎 大當歸

去尾各一

兩交趾桂

去粗皮不見火

半夏

湯洗粉草

麻黃

去節軍薑皮

厚朴

去粗皮剉薑汁炒

南木香

不見火

杏仁

去皮尖另研

白茯苓

各五
錢

右為末每服二錢順流水溫暖調下若覺熱悶白蜜湯下或剉散入真米醋一合煎方內用楊芍藥肉桂能開通子宮其餘藥皆助氣之盛關竅自通麻黃內通陽氣陽氣盛則血行血行即產矣外却寒邪內去積聚皆得其宜寒月用之甚確隆暑不宜輕服但以五苓散用葵子燈心煎湯調下卻暑清魂滑胎易產胞漿見破則胎乾難產用白蜜清油浸以熱酒令得所

頓服胎氣既潤即分娩矣

治難產 縮砂 香附
炒枳殼 甘草 滑石

右為末白湯調下

行血本草主難產搗益母草取汁七大合煎減半頓服
立產 無新者以乾者一大握水七合煮服

丹易產天麻丸 天麻即益母草六月間帶根花葉採晒乾不以多少為末煉

蜜丸龍眼大臨產熟水嚼一丸能除產後百病

佛手散

方及加減法
見胎產大法

如聖散 專治孕婦難產 紫蘇葉 當歸各等

分

右咬咀每服三錢或五錢用長流水煎服如無流水
以水順攪動煎服即下 又方取夫棍帶五寸燒存
性酒調下 又方取槐樹東枝令產婦把之易產
又方用紫蘇煎湯調益元散服之即產

無憂散 治胎肥氣逆臨褥難產

當歸去蘆
酒浸川芎 木香不見火 白芍藥 枳殼去鹽炒

甘草炙各一錢半 乳香另研血餘燒存性另研各半錢

右作一服水二鍾煎至一鍾入乳香血餘和勻不拘

時服

固血 治胞漿先破惡水來多胎乾不得下時須先與

四物湯補養血氣次更濃煎葱湯放冷令坐婆洗產
戶須是欵曲洗令氣上下通暢更用酥調滑石末塗
產戶裏次服神妙乳硃丹或葵子如聖散

催生如聖散 治逆產橫生瘦胎

百草霜 香白芷

不見火
為末

右二味等分研勻每服二大錢於臨產時以童便并
少米醋打為膏沸湯調下集驗用酒童便各半盞同
煎纔沸即熱服不過再服即產

丹溪用芳歸湯調血得黑則止此藥大

能固血免
得乾生

婦人臨產累日氣盡不能生兼惡露出盡胞乾終不產
者用赤小豆一斗水九升煮令熟去豆滓以阿膠三
兩入豆汁溶化每服止半盞未產再服即出

破血半夏湯 治胎乾而不能產

金匱要略 卷之十七
半夏麵一兩半 大黃五錢 肉桂七錢半 桃仁三十枚微炒

右為粗末先服四物湯一二服次服半夏湯薑三片水煎 又方 當歸為末酒調方寸匕服之

七聖散 臨產腰疼時方服 延胡索 沒藥 白礬

白芷 薑黃 當歸 桂心各等

右為末臨產陣痛時燒鏹刀鐵頭即犁令通赤淬酒調

下三錢服一兩立產

勝金散 治難產逐敗血即自生若橫逆則轉正子死

腹中則胎軟膨寬即產祖宗祕傳千金不授

王不留行

酸漿草

死胎倍用

茺蔚子

白蒺藜

去刺五

靈脂

行血宜生用各等分

右為散每服三錢取利方水一盞半入白花劉寄奴
子一撮同煎溫服大効

外取如聖膏 治產難併治胞衣不下兼治死胎

用草麻子七粒去殼細研成膏塗脚心胞即下速洗
去不洗腸出却用此膏塗頂上腸自縮入 一方草

麻子百粒雄黃一錢細研用如上法

催生萬金不傳遇仙丹

草麻子十四粒去殼硃砂研各一錢半雄黃研各一錢半存性蛇蛻一尺燒

一方 草麻子三粒

右為末漿水飯和丸如彈子大臨產時先用椒湯淋潔臍下次安藥一丸於臍中用蠟紙數重覆上闊帛束之頭生下急取去藥一丸可用三次

三麻四豆脫衣裳研碎將來入麝香若有婦人遭產難

貼在臍中兩分張用草麻三粒巴豆四粒
去殼入麝研細貼臍中

立聖丹 治產難危急者 寒水石

四兩二兩生
用二兩煅赤

右同研細入朱砂同研如深桃花色每用三分井花水
調如薄糊以紙花剪如杏葉大攤上貼臍心候乾再
易不過三上便產橫逆惡候死胎不下並治神驗寒水

石非方解石即今人謂軟石
膏是也此方異人所傳甚妙

雜方圖經云令產婦兩手各握石燕一枚須臾子下

救產難經曰不生雲母粉半兩溫酒調服入口即產萬

不失一

陸氏云已救
三五百人効

治橫逆產理不順用伏龍肝

細研每服一錢酒調服其土從兒頭上戴出妙

世如聖散

治催生累効靈妙之理人所難通用實殊

効臨產時令人路上尋破草鞋一隻取耳燒灰溫
酒調下三錢七得左足者男得右足者女覆者死側者
有驚果是神奇用此送催生丸尤妙

勝金丹 治難產神妙敗兔毫筆頭一枚燒灰研細搗

生藕汁一盞下之若產母虛弱及素有冷疾者恐藕

冷動氣即於重湯內緩過服立產

針灸東婦人將產預先胎破惡水長流坐草草無血可養

枯竭

獨陰

五分在足小指第三節間

承陰

一寸五分

玉催生難產及死胎

大衝

八分補百息

合谷

補

三陰

交

五分渴立時分解

足小指節

三壯心術多此一穴

產子上衝逼心

巨闕

令正坐用抱頭抱腰微偃針入六分留七呼得氣即渴立甦如予掬母心生下手心有針痕子

頂母心人中有痕向後枕骨有痕是其驗也神効

合谷

三分留三呼補之

三陰交

五分

渴寸吸

張仲文

橫產難產

右腳小指尖頭灸三壯立產

集又法

獨陰

同上法取灸
七壯禁刺

合谷

補

三陰交瀉

桑難產

三陰爻

治驗淳于意治菑川王美人懷子而不乳召臣意往飲以良藥一撮以酒飲之旋乳意復診其脉而脉躁躁者有餘病即飲以消石一劑出血血如豆比五六枚

滑伯仁治一婦難產七日而不乳且食甚少伯仁視之以涼粥一盃搗楓葉煎湯調啖之旋乳或詰其理滑曰此婦食甚少未有無穀氣而生者夫楓葉先生先落後

生後落故以作湯飲也。龐安常治一婦產七日而子
不下百治不効。龐視之令其家人以湯溫其腰腹自為
上下拊摩孕者覺腸胃微痛呻吟間生一男。其家驚喜
而不知所以。龐曰兒已出胞但一手誤執母腸不能脫
非符藥所能為。吾隔腹捫兒手所在針其虎口痛即縮
手所以遽生無他術也。取兒視之右手虎口針痕存焉。
一婦累日產不下服催生藥不効。龐曰此必坐草太
早心下懷懼氣結而不行非不順也。素問云恐則氣下

蓋恐則精神怯怯則上焦閉閉則氣逆逆則下焦脹氣
乃不行矣以紫蘇飲一服便產及治婦人子懸證紫蘇飲見

胎上逼心 吳茭山治一婦產難三日不下服破血行經之

藥俱罔効吳因製一方以車前子為君冬葵子為臣白
芷枳殼為佐使已服午產衆醫異之吳曰本草謂催生
以此為君毛詩采荼蕡以防產難是也 劉復真遇府
判女產不利已斂劉取紅花濃煎扶女于凳上以綿帛
蘸湯盦之連以澆帛上以器盛水又煖又淋久而甦醒

遂生男子蓋遇嚴冬血冷凝滯不行溫即產見亦神矣哉一醫宿客店值店婦產數日不下下體已冷無藥甚窘以椒橙茱萸等煎湯可下手則和臍腹入門處皆淋洗之氣溫血行遂產

交骨不開薛交骨不開產門不閉皆由元氣素弱胎前失於調攝以致氣血不能運達而然也交骨不開陰氣虛也用加味芳歸湯補中益氣湯產門不閉氣血虛也用十全大補湯地官李孟卿娶三十五歲女為妾及

娠慮其產難索加味芎歸湯四貼備用至期果產門不開止服一貼頓然分娩 上舍費懷德之室產門不開兩日未生服前藥一劑即時而產上舍傳此方用之者無有不驗 一婦人分娩最易至四十妊娠下血甚多產門不開與前湯一劑又以無憂散斤許煎熟時時飲之以助其血而產

加味芎歸湯 主交骨不開不能生產

川芎

當歸

敗龜板

一枚
酥炙

婦人頭髮

生男女多者
一握燒存性

右為散每服五錢水煎服約人行五里即生如死亦下灼過龜板亦可

下死胎法

產難子死腹中者多因驚動太早或觸犯禁忌致令產難胞漿已破無血養胎枯涸而死故也須驗產母舌若青黑其胎死矣當下之

大法寒者熱以行之 热者涼以行之 燥者滑以潤之 危急者毒藥下之

熟劑烏金散 治難產熱病胎死腹中或因顛仆或從高墜下或房室驚搐或臨產驚動太早觸犯禁忌或產時未到經血先下惡露已盡致胎乾子死身冷不能自出但視產婦面赤舌青是其候也面青舌赤母死子活唇青吐沫子母俱斃又有雙胎或一死一活其候難知臨時觀變可也

熟地黃洗切焙真蒲黃 大當歸 交趾桂 楊

乾酒炒

芍藥

軍薑

去皮

粉草各一兩

小黑豆四兩

百草霜五錢

右為末每用二錢米醋半合許沸湯六七分浸起溫服疑貳之際且進佛手散酒水合煎二三服探之若未死子母俱安若胎已死立便逐下的知其胎死進此藥後更進香桂散須臾如手推下常用催生更加好滑石末半兩葵子五十粒榧碎黃柞葉七八片葱白二寸順流水煎湯調下蓋滑石能利小便柞葉行氣逐血葱白內通陽氣氣盛血行即產矣

大全下死胎方

桂枝

二錢

麝香當門子

一箇

同研緩酒服

須臾如水推下一名桂香散此藥比之用水銀等不損

血氣趙和叔傳一方單用桂末一錢痛時童便調下名

救苦散

一穩婆之女勤苦負重妊娠腹中陰冷重墜口中甚穢
余意其胎必死令視其舌果青黑與朴硝半兩許服之
隨下穢水而愈 一婦胎死服朴硝而下穢水肢體倦
急氣息奄奄用四君為主佐以四物薑桂調補而愈
寒剷治妊娠三五箇月胎死在腹內不出

大腹子

赤芍藥

榆白皮

各三兩

當歸一兩

炒

滑

石末半

七錢

瞿麥

葵子炒

茯苓

粉草

子芩各半

兩

右為粗末每服四錢水一盞煎至七分去滓不拘時

溫服

鄧知縣傳療死胎不出朴硝半兩研細以溫童便調服
屢効

治死胎不下指甲青舌青脹悶口中作屎臭先以平胃
散一貼作兩服每服酒水各一盞煎至一盞却投朴

硝末半兩再煎三五沸溫服其胎化血水下

本治子死腹中不出用辰砂一兩水煮四五沸末之然

後取酒調服立出

外療子死腹中真珠二兩為末酒調服盡立出

滑劑千金治小兒死腹中葵子末酒服方寸匕若口噤
不開格口灌之藥下即活 療妊娠胎死腹中或母
疾欲下胎榆白皮煮汁服二升

大治子死腹中或半生不下或半暑脊骨在草不產血

氣上盪母心面無顏色氣欲絕

豬脂一斤白蜜一斤淳酒二升

右三味合煎取二升分溫二服不能飲隨所能服之
毒劑一字神散 治子死胎不下胞破不生此方屢効
救人無量

鬼臼黃色者不以多少去毛碾為末
極細如粉不用羅以手指撲之

右每服二錢用無灰酒一盞同煎至八分通口服立
效如神

雜方世治生產不順胎死腹中胞衣不下臨產危急妙

蛇退

一條全者香油燈上燒研麝香少許


右為末童便酒各半盞調一服即生効

楊氏療有孕月數未足子死腹中母欲悶絕取大豆三升醋煮濃汁三升頓服立効 一方用黑豆

本事治妊娠熱病胎死腹中鹿角屑一兩水一盞葱五莖豆豉半合同煎至六分去滓溫分二服

又方取死胎 烏雞一隻去尾細切以水三升煮取二

升去雞通手用衣帛蘸洗摩臍下胎自出



欽定四庫全書

卷六十七

證治準繩卷六十七